



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbtd@jtbtd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbtd@jtbtd.ba

Broj: T18 0 KTK 0017857 25 2
Brčko, 17.09.2025. godine

Optužnica potvrđena dana 06.10.2025. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

1. **A. R.**, zvani „M.“, rođen 1991. godine u Brčkom,
2. **Z. L.**, rođen 1969. godine u Tuzli,
3. **E. B.**, zvani „B.“, rođen 1972. godine u Bijelom Polju, Crna Gora,
4. **S. P.**, rođena 1970. godine u Brčkom,
5. **M. A.**, zvana „M.“, rođena 1973. godine u Brčkom,
6. **H. K.**, rođena 1964. godine u Brčkom,
7. **E. Š.**, zvana „M.“, rođena 1973. godine u Brčkom,

Što su:

A. R.

1) Dana 15.03.2022. godine u Brčkom, nakon raspisanog Javnog poziva Odjeljenja za raseljena lica, izbjeglice i stambena pitanja Vlade Brčko distrikta BiH broj: 35-000165/22 od 03.03.2022. godine, navedenom organu podnio prijavu za dodjelu sredstava iz Programa stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu, s ciljem da po tom osnovu dobije novčana sredstva u iznosu od 27.000,00 KM, a znajući da je jedan od opštih uslova za dodjelu pomoći za stambeno zbrinjavanje predviđen članom 6. stav 1) tačka e) Odluke o načinu raspodjele sredstava za realizaciju Programa stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu broj 01.11.0377MB-015/22 od 02.03.2022. godine, i taj da podnosilac zahtjeva i članovi njegovog porodičnog domaćinstva nemaju na teritoriji Bosne i Hercegovine drugu stambenu jedinicu koja se smatra uslovnom za stanovanje u skladu sa Standardima, pa je uz istu priložio, a što je i htio, svojeručno potpisanu neistinitu izjavu u kojoj je naveo da on i članovi njegovog domaćinstva nemaju na teritoriji BiH drugu stambenu jedinicu koja se smatra uslovnom za stanovanje u skladu sa Standardima, iako je znao i bio svjestan da u to vrijeme posjeduje nekretninu, uslovnu za stanovanje u skladu sa Standardima, i to stan površine 50 m², koji se nalazi na adresi ... broj ..., Brčko distrikt BiH, upisan u zk. ulošku broj ... u A listi kao parcela broj: .../... naziva "... ..." K.O. Brčko 1, na kojoj se nalazi dvorište stambeno poslovne zgrade i stambeno poslovna zgrada u B vlasničkom listu pod rednim brojem 8. označena sa udjelom 1/70 na ime R. A..

dakle, s ciljem da sebi pribavi kakvu pogodnost u vrijednosti koja prelazi 10.000,00KM, licima nadležnim za odobravanje pogodnosti dao neistinite podatke značajne za dobijanje pogodnosti

2) Nakon što su mu dana 16.01.2023. godine, od strane Brčko distrikta BiH isplaćena novčana sredstva u iznosu od 27.000.00 KM iz Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu, ista nije, utrošio u svrhu sanacije i rekonstrukcije sopstvenog ratom porušenog individualnog stambenog objekta koji se nalazi u mjestu Bukovac bb, Brčko distrikt BiH, na parceli broj k.č. .../..., K.O. ..., za koji je i podnio prijavu za dodjelu novčanih sredstava Odjeljenju za raseljena lica, izbjeglice i stambena pitanja

Vlade Brčko distrikta BiH, a po raspisanom javnom pozivu, broj: 35-000165/22 od 03.03.2022. godine, svjestan da se ista shodno navedenom programu, kao i članu 1. i članu 3. stav 1) Ugovora o dodjeli novčanih sredstava broj 01.1-1413EK-008/22 zaključenog dana 27.12.2022. godine između njega kao korisnika i Brčko distrikta kao investitora, moraju u cijelosti utrošiti isključivo u navedenu svrhu za koju su i dobijena, već je istim, a što je i htio, raspolagao na drugi njemu poznati način,

dakle, dobijenu pogodnost iskoristio u drugu svrhu od one za koju su mu ta sredstva odobrena,

Z. L., E. B. i S. P.

3) Postupajući u svojstvu članova Prvostepene komisije za odabir korisnika, imenovani Odlukom šefa Odjeljenja za raseljena lica, izbjeglice i stambena pitanja Vlade Brčko distrikta BiH broj: 05-000172/22 od 10.03.2022. godine, a u vezi sa raspisanim Javnim pozivom za dodjelu sredstava broj: 35-000165/22 od 03.03.2022. godine iz Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu, svjesni da R. A. uz prijavu za dodjelu sredstava po navedenom osnovu nije dostavio dokaze iz kojih se može utvrditi postojanje stambene jedinice prije 1.5.1992. godine predviđene članom 6. stav 2) tačka c) Odluke o načinu raspodjele sredstava za realizaciju programa za zbrinjavanje sanaciju/rekonstrukciju ratom oštećenih/porušenih stambenih jedinica na području Brčko distrikta BiH za 2022. godinu, broj 01.11-0377MB-015/22 od 02.03.2022. godine, te čineći suprotno članu 6. stav 3) tačka b) iste odluke, nakon što su pribavili podatak od Zemljišnoknjižne kancelarije Osnovnog suda Brčko distrikta BiH da R. A. ima u vlasništvu stan površine 50 m², koji se nalazi u ulici ..., nekretnine označene kao k.č. ... k.o. Brčko 1, isti nisu prosljedili stručnim službenim licima odjeljenja radi provjere uslovnosti te stambene jedinice, svjesni da su to bili dužni uraditi, shodno navedenoj odredbi spomenute odluke, nego su apsolutno zanemarujući tu informaciju, dana 20.12.2022. godine u Brčkom sačinili, potpisali i u dalju proceduru prosljedili, a što su i htjeli, Konačnu listu korisnika u programu stambenog zbrinjavanja, sanacije/rekonstrukcije ratom oštećenih /porušenih stambenih jedinica na području Brčko distrikta BiH broj 111463ZL-022/22, kojom prilikom su na spisku pod rednim brojem 5. naveli za korisnika R. A., na osnovu koje je Gradonačelnik Brčko distrikta BiH donio Odluku o izdvajanju novčanih sredstava iz operativnog budžeta Brčko distrikta BiH za 2022. godinu broj 01.1-1413EK-006/22 od 20.12.2022. godine kojom je odobrena isplata 27.000,00KM R. A. po naprijed navedenom osnovu, da bi potom između Brčko distrikta kao investitora i R. A. kao korisnika, dana 27.12.2022. godine zaključen ugovor o dodjeli novčanih sredstava broj 01.1-1413EK-008/22 kojom prilikom su istom dana 16.01.2023. godine, od strane Brčko distrikta BiH isplaćena novčana sredstva iz Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu u iznosu od 27.000,00KM, a na koja isti shodno gore navedenim propisima nije imao pravo, čime su u visini naprijed opisane sume novca R. A. pribavili imovinsku korist, a Brčko distriktu pričinili štetu,

dakle, kao službena lica u Brčko distriktu Bosne i Hercegovine, neobavivši svoje službene dužnosti, pribavili drugom imovinsku korist koja prelazi 10.000,00KM

E. B. i E. Š.

4) Postupajući u svojstvu stručnih službenih lica Odjeljenja za raseljena lica, izbjeglice i stambena pitanja Vlade Brčko distrikta BiH, u vezi sa raspisanim Javnim pozivom za dodjelu sredstava broj: 35-000165/22 od 03.03.2022. godine iz Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu, a suprotno članu 7. stav 3) tačka b) Odluke o načinu raspodjele sredstava za realizaciju programa za zbrinjavanje, sanaciju/rekonstrukciju ratom oštećenih/porušenih stambenih jedinica na području Brčko distrikta BiH za 2022. godinu, broj 01.11-0377MB-015/22 od 02.03.2022. godine, dana 05.10.2022. godine u Brčkom sačinili Zapisnik o stanju objekta podnosioca zahtjeva Radić Aleksandra, svjesni da isti nisu sačinili na licu mjesta, odnosno na parceli u vezi koje je R. A. podnio zahtjev za dodjelu sredstava po navedenom osnovu, u kojem su konstatovali da je objekat koji se nalazi u mjestu Bukovac, za koji je A. R. podnio zahtjev za dodjelu pomoći, porušen i neuslovan te da je potrebno predvidjeti izgradnju tipskog objekta, kojom prilikom su sačinjene i fotografije na kojima se vidi ruševni objekat, ploča i dijelovi zidina gdje se nalazio zidani objekat koji je bio omeđen betonskom ogradom, gdje su vidljivi ostaci betonskih stubova od ograde dvorišta postavljene pored lokalnog puta i još jednog sporednog nekategorisanog puta, koji se nalazi u sklopu šume, kojom prilikom u zapisniku nije konstatovano na kojoj tačno parceli se nalazi ruševni objekat, jer parcela na kojoj se lociran taj ruševni objekat predstavlja kuću vlasništvo S. P., koja se

nalazi na k.č. broj ... k.o. ..., koja je u vlasništvu J. K., kćerke i nasljednika P. S., te su takav, zapisnik, a što su i htjeli, prosljedili u dalju proceduru, a nakon čega su članovi Prvostepene komisije za odabir korisnika, cijeneći taj zapisnik kao tačan u sadržinskom smislu a što on nije bio, sačinili, potpisali i u dalju proceduru prosljedili Konačnu listu korisnika u programu stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta BiH broj 111463ZL-022/22, kojom prilikom su na spisku pod rednim brojem 5. naveli za korisnika R. A. kao korisnika, na osnovu koje je između Brčko distrikta kao investitora i R. A., dana 27.12.2022. godine zaključen ugovor o dodjeli novčanih sredstava broj 01.1-1413EK-008/22 kojom prilikom su istom dana 16.01.2023. godine, od strane Brčko distrikta BiH isplaćena novčana sredstva iz programu stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta Bosne i Hercegovine za 2022. godinu u iznosu od 27.000.00KM, a na koja isti shodno gore navedenim propisima nije imao pravo, čime su u visini naprijed opisane sume novca R. A. pribavili imovinsku korist, a Brčko distriktu pričinili štetu,

dakle, kao službena lica u Brčko distriktu Bosne i Hercegovine iskoristili svoje službeno ovlaštenje i pribavili drugom imovinsku korist koja prelazi 10.000,00KM

M. A., H. K.

5) Postupajući u svojstvu članova komisije za kontrolu utroška isplaćenih novčanih sredstava, imenovani Odlukom šefa Odjeljenja za raseljena lica, izbjeglice i stambena pitanja Vlade Brčko distrikta BiH broj 11-1104AS-001/24 od 15.01.2024. godine a u vezi sa raspisanim Javnim pozivom za dodjelu sredstava broj: 35-000165/22 od 03.03.2022. godine i sačinjene konačne liste korisnika u programu stambenog zbrinjavanja, sanacija/rekonstrukcija ratom oštećenih/porušenih stambenih jedinica na području Brčko distrikta broj 11-1463ZL-022/22 od 20.12.2022. godine, te suprotno članu 4 Odluke o načinu imenovanja Komisije za kontrolu utroška novčanih sredstava obezbijeđenih za kapitalne donacije pojedincima i procedurama njenog rada, broj 11-1104AS-001/23 od 21.11.2023. godine i članu 15 stav 2 Odluke o načinu raspodjele sredstava za realizaciju Programa stambenog zbrinjavanja, sanacije/rekonstrukcije ratom oštećenih/porušenih stambenih jedinica na području Brčko distrikta BiH za 2022. godinu, broj 01.110377MB-015/22 od 02.03.2022. godine, dana 16.04.2024. godine u Brčkom sačinili i potpisali, a što su i htjeli, Zapisnik o izvršenoj kontroli utroška dodijeljenih sredstava broj 35-0000425/22, u kojem su naveli netačan podatak da je komisija u cilju kontrole utroška dodijeljenih novčanih sredstava, izašla na lokaciju u MZ Bukovac i da su na licu mjesta utvrdili da su novčana sredstva namjenski utrošena, te da je na lokaciji izgrađen prizemni objekat dimenzija 9x10 sa svim unutrašnjim radovima, kojom prilikom je sačinjena i fotografija od 18.04.2024. godine koja čini sastavni dio zapisnika, na kojoj je vidljiv prizemni objekat, koji po izgledu pristupnih staza, krova, stilu gradnje ne ukazuje da je objekat izgrađen u skorije vrijeme, svjesni da se zidani objekat na kojem su kao članovi komisije za vršenje provjera utroška konstatovali izgradnju objekta i pravdanje dodijeljenih sredstava nalazi na parceli broj ... koja je u vlasništvu R. D., a ne k.č.br. .../... K.O. ... koja je vlasništvo podnosioca zahtjeva R. A. i na kojoj je trebao biti izgrađen objekat koji je predmet kontrole, čime su na taj način korisniku R. A. omogućili pravdanje dodijeljenih novčanih sredstava u iznosu od 27.000,00 KM, iako ista nije utrošio u svrhu za koju su mu dodijeljena za sanaciju objekta, te mu tako pribavili imovinsku korist u visini opisane sume novca, a za koju iznos su pričinili štetu Brčko distriktu BiH,

dakle, kao službena lica u Brčko distriktu Bosne i Hercegovine iskoristili svoje službeno ovlaštenje i pribavili drugom imovinsku korist koja prelazi 10.000,00KM

Čime su: A. R. radnjama pod tačkom 1. počinio krivično djelo "Obmana pri dobijanju kredita ili drugih pogodnosti" iz člana 262. stav (2) Krivičnog zakona Brčko distrikta BiH, a radnjama pod tačkom 2. počinio krivično djelo "Obmana pri dobijanju kredita ili drugih pogodnosti" iz člana 262. stav (4) istog zakona, Z. L. radnjama pod tačkom 3. počinio krivično djelo "Zloupotreba položaja ili ovlaštenja" iz člana 377. stav (2), a u vezi sa članom 31 Krivičnog zakona Brčko distrikta BiH, E. B. radnjama pod tačkom 3. i 4., počinio produženo krivično djelo "Zloupotreba položaja ili ovlaštenja" iz člana 377. stav (2), a u vezi sa članom 31. i 55. Krivičnog zakona Brčko distrikta BiH, S. P. i E. Š. radnjama pod tačkom 4., a M. A. i H. K. radnjama pod tačkom 5. optužnice, počinili krivično djelo "Zloupotreba položaja ili ovlaštenja" iz člana 377. stav (2), a u vezi sa članom 31. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
